

ედვარდ ოლბი

გამოცემულია საქართველოს კულტურის ძეგლთა  
დაცვისა და სპორტის სამინისტროს მხარდაჭერით

შემდგენელი: თამარაბრამიშვილი

რედაქტორები: თამარაბრამიშვილი  
შადიგან შამანაძე

# რა მოხდა ზოოპარკში



კ 252256  
3

© ყველა უფლება დაცულია

სა  
შეგ  
0  
...ია

უკ (UDC) 894.631-1  
ბ-911  
ISBN 99928-0-812-8

საქართველოს  
პარლამენტის  
მკვლევარნი  
ბიბლიოთეკა

## მოქმედი პირები

**პიტერი** — ორმოციოდე წლის მამაკაცია. უკეთია რქის ჩარჩოიანი სათვალე, არც ძალიან მსუქანია და არც ძალიან გამხდარი, არც ძალიან მიმზიდველი და არც ძალიან შეუხედავი; აცვია ტვიდის კოსტუმი და ენევა ჩიბუხს. თუმცა შუახნისაა, ახალგაზრდულად გამოიყურება.

**ჯერი** — ოცდაათ წელს გადაცილებული მამაკაცია. ღარიბულად არა, მაგრამ დაუდევრად აცვია; ოდესღაც გამართულ და დაკუნთულ ტანს სიმსუქნე შეჰპარვია; ამჟამად მასზე ველარ იტყვით, სიმპათიურიად, მაგრამ უწინდელი პენის კვალი კვლავაც ნათლად ეტყობა. ამკარაა, რომ გარეგნული მომხიბვლელობის დაკარგვა, გარყვნილებას, ან გადაჭარბებულ სმა-ჭამას კი არ გამოუწვევია, როგორც ერთი შეხედვით შეიძლება მოეჩვენოს ადამიანს, არამედ უზომოდ დაღლილობას.:

*მოქმედების ადგილი: ცენტრალური პარკი, ზაფხული, კვირადღის შუადღე; ახლანდელი დრო. სცენის ორივე მხარეს, მაყურებლის პირდაპირ, ბალის ორი გრძელი სკამი დგას, უკან ფოთლები, ხეები და ცა მოჩანს. პიტერი სკამზე ზის.*

*სურათი: ფარდა იხსნება. პიტერი ხელმარჯვნივ სკამზე ზის და კითხულობს; შემდეგ იხსნის სათვალეს, ნმენდს მას და აგრძელებს კითხვას. შემოდის ჯერი.*

**ჯერი:** სწორედ ახლა ზოოპარკიდან მოვდივარ. (პიტერი ყურადღებას არ აქცევს). ზოოპარკში ვიყავი-მეთქი. მისტერ, ზოოპარკში ვიყავი!

**პიტერი:** რაო?... უკაცრავად... მე მეუბნებით?

**ჯერი:** ზოოპარკში ვიყავი, იქიდან ფეხით წამოვედი და ახლა აქა ვარ, ესე იგი, ჩრდილოეთისკენ წამოვედი?

**პიტერი (საგონებელში ჩაეარდა):** ჩრდილოეთისკენ? ჰო... ალბათ... დამაცადეთ, დავფიქრდე...

**ჯერი (თითს დარბა ზისკენ იშვერს):** ეს მე-5 ავენიუა?

**პიტერი:** მართალი ბრძანდებით, სწორედ ასეა.

**ჯერი:** აი ის რა ქუჩაა, მას რომ კვეთს, აი, იქ, მარჯვნივ?

**პიტერი:** ეგ 74-ეა.

**ჯერი:** ზოოპარკი კი 76-ე ქუჩასთანაა; ესე იგი, არ შევმცდარვარ, გეზი მართლაც ჩრდილოეთისკენ მეჭირა.

**პიტერი (ერთი სული აქვს კვლავ ნიგნს მიუბრუნდეს):** დიახ, ალბათ ასეა.

**ჯერი:** ჩვენი ბებერი, ძველი ჩრდილოეთი.

**პიტერი** (თითქმის გაუაზრებლად): დიას.

**ჯერი** (მცირე პაუზის შემდეგ): დიას, ოღონდ მართლა „ჩრდილოეთ-ისკენ“ კი არა...

**პიტერი**: რასაკვირველია - არა, უბრალოდ, ჩრდილოეთის მიმართულე-ბა ვიგულისხმე, ანუ ჩრდილოეთით მდებარე.

**ჯერი** (უყურებს პიტერს, რომელიც ჩიბუხს უკიდებს და ცდილობს, როგორმე თავიდან მოიშოროს ჯერი): თქვენ რა, ფილტვების კიბო გინდათ, აიკიდოთ?

**პიტერი** (ცოტა არ იყოს გაღიზიანებული ახედავს, მაგრამ მერე იღიმე-ბა): არა, სერ, ამით ვერ აიკიდებ.

**ჯერი**: იქნებ ასეც იყოს, მაგრამ პირის ღრუში მაინც ვერ აცდები პრობ-ლემებს და მერე მთელი ცხოვრება ის უნდა ატაროთ, რასაც ფროი-დი ატარებდა, როცა ლამის ნახევარი ყბა ამოუღეს. რა ჰქვია იმ რკინებს?

**პიტერი** (ყოყმანობს): პროთეზი?

**ჯერი**: სწორედაც! პროთეზი. განათლებული კაცი ჩანხართ; ექიმი ბრ-ძანდებით?

**პიტერი**: არა, უბრალოდ, სადღაც ამოვიკითხე, მგონი ჟურნალ „თაიმს-ში“. (უბრუნდება ნიგნს).

**ჯერი**: საკმაოდ სერიოზული ჟურნალია და რეგვენებზე არაა გათვ-ლილი.

**პიტერი**: მეც ასე მგონია.

**ჯერი** (პაუზის შემდეგ): რა კარგია, რომ ის მე-5 ავენიუა.

**პიტერი** (დაბნეულად): დიას.

**ჯერი**: პარკის დასავლეთი მხარე რატომღაც არ მომწონს.

**პიტერი**: მართლა? (შემდეგ ამბობს ძალიან ფრთხილად, მაგრამ მეტი ინტერესით). რატომ?

**ჯერი** (უდიერად): რა ვიცი.

**პიტერი**: დიას. (კვლავ ნიგნს უბრუნდება).

**ჯერი** (დგას და რამდენიმე წამის განმავლობაში მისჩერებია პიტერს; ეს უკანასკნელი ბოლოს და ბოლოს ასწევს თავს, დაბნეულია): ცოტა ხომ არ გველაპარაკა? მაგრამ, თუ ხელს გიშლით...

**პიტერი** (აშკარად უკმაყოფილოა): არა... არა...

**ჯერი**: კი, ასეა, ნამდვილად ხელს გიშლით.

**პიტერი** (თავს ანებებს ნიგნსა და ჩიბუხს და იღიმება): არა, მართლა არა.

**ჯერი**: დიასაც, გიშლით.

**პიტერი** (იღებს საბოლოო გადაწყვეტილებას): ასე არ არის, გარნმუ-ნებთ.

**ჯერი**: კარგი დღეა... არა?

**პიტერი** (ყოველგვარი სურვილის გარეშე ახედავს ცას): დიას, მშვე-ნიერი.

**ჯერი**: ზოოპარკში ვიყავი.

**პიტერი**: მგონი, ეგ უკვე მითხარით, ასე არაა?

**ჯერი**: ამას უკვე ხვალ შეიტყობთ გაზეთებიდან, ან დღეს სალამოს ტელევიზიით. ტელევიზორი ხომ გაქვთ?

**პიტერი**: ორი; ერთი — ბავშვებისთვის.

**ჯერი**: ესე იგი, დაქორწინებული ხართ!

**პიტერი** (ფრიად ნაამები სახე აქვს, ამბობს ღირსების გრძნობით): რასაკვირველია.

**ჯერი**: რატომ „რასაკვირველია“? ეს ხომ კანონი არ არის.

**პიტერი**: ცხადია, არა... სულაც არა...

**ჯერი**: ესე იგი, ცოლი გყავთ.

**პიტერი** (შენუხებულია, რომ ურთიერთობას ვერ ამყარებს): დიას!

**ჯერი**: და შვილებიც.

**პიტერი**: დიას, ორნი.

**ჯერი**: ბიჭები?

**პიტერი**: არა, ორივე გოგონაა.

**ჯერი**: მაგრამ ბიჭზე ოცნებობდით.

**პიტერი**: ალბათ ყველა კაცს უნდა ვაჟი ჰყავდეს, მაგრამ...

**ჯერი** (ოდნავ დამცინავია): მაგრამ არ გამოვიდა, არა?

**პიტერი** (გაღიზიანებული კილო აქვს): ეგ არ მიგულისხმია.

**ჯერი**: მეტის ყოლას კი არ აპირებთ.

**პიტერი** (ფიქრმა წაიღო): არა, მეტის არა (მერე თითქოს გამოფხი-ზლდაო, გაღიზიანებული ეუბნება) თქვენ რა იცით? როგორ მიხ-ვდით?

**ჯერი**: თუნდაც იმით, როგორ გაქვთ ფეხი ფეხზე გადადებული, ან რალაცით თქვენს ხმაში, ან იქნებ, სულაც ისე მივხვდი. რა, ცოლს არ უნდა?

**პიტერი** (გაცეცხლებულია): თქვენ არავინ გეკითხებათ (პაუზა). გასაგებია? (ჯერი თავს უქნევს და პიტერიც უფრო მშვიდად გა-ნავრძობს). მართალი ბრძანდებით, მეტი აღარ გვეყოლება.

**ჯერი** (წყნარად): ასე იმსხვრევა ოცნებები.

**პიტერი** (მიმტევებლურად): ჰო, ალბათ ასეა.

**ჯერი**: აბა, სხვა რა?

**პიტერი**: ზოოპარკზე ამბობდით რალაცას... მაინც რას ნავიკითხავ, ან რას ვნახავ...?

**ჯერი**: მოგვიანებით გეტყვით, ახლა კი, რამდენიმე შეკითხვა რომ დავისვათ, ხომ არ გენწყინებთ?

**პიტერი**: არა, რას ბრძანებთ!

**ჯერი:** ალბათ გაინტერესებთ, რას გადამეკიდაო. საქმე ის არის, რომ იშვიათად ვინმეს გამოველაპარაკო, თუ სათვალავში არ ჩავაგდებთ ისეთ ფრაზებს, როგორცაა: ერთი კათხა ლუდი, თუ შეიძლება, ან ხომ ვერ მეტყვი, სად არის აქ ტუალეტი, ან როდის იწყება კინოსეანსი, ან ხელები დაიმოკლე, ბიჭო, ან სხვა ამისთანა; ხომ გესმით ჩემი...

**პიტერი:** სიმართლე გითხრათ, არა...

**ჯერი:** ხანდახან ისე მინდა ველაპარაკო ვინმეს - ნამდვილ ლაპარაკს ვგულისხმობ - და რაც შეიძლება მეტი გავიგო ადამიანზე.

**პიტერი (ოდნავ ილიმება, მაგრამ თავს კვლავაც უხერხულად გრძნობს):** ჰოდა, დღეს მე ვარ ის თავი, რომელზეც ცდას ატარებთ, არა?

**ჯერი:** ასეთი მზიანი კვირადღის შუადღეს, აბა, რა სჯობს წესიერ, დაოჯახებულ ადამიანთან საუბარს, რომელსაც ორი ქალიშვილი ჰყავს და ალბათ, ერთი ძალიც, არა? *(პიტერი უარყოფის ნიშნად თავს აქნევს)*. არა? მაშინ ორი ძალი *(პიტერი კვლავ უარის ნიშნად თავს აქნევს)*. არა? ძალები საერთოდ არ გყავთ? *(პიტერი დანებებით გადააქნევს თავს)*. რა სანყენია! არადა, ცხოველების მოყვარულ ადამიანს ჰგავხართ. არც კატები გყავთ? *(პიტერი დასტურის ნიშნად უხალისოდ უქნევს თავს)*. ესე იგი, კატები! მაგრამ შეუძლებელია, თქვენ მოგსვლოდათ თავში: ალბათ ცოლს და ქალიშვილებს, ასეა? *(პიტერი თავის ქნევით უდასტურებს)*. კიდევ არის რამე ისეთი, რაც უნდა ვიცოდე?

**პიტერი (ჩახველება ესაჭიროება):** არის. ორი თუთიყუში გყავს, გოგონებისთვის.

**ჯერი:** ჩიტები.

**პიტერი:** გოგონებს ისინი გალიაში ჰყავთ, თავის ოთახში.

**ჯერი:** რამე დაავადება ხომ არ სჭირთ? ჩიტებს ვგულისხმობ.

**პიტერი:** არა მგონია.

**ჯერი:** ძალიან ცუდი; რამე რომ სჭირდეთ, გალიიდან გამოუშვებდით, კატები კი შეჭამდნენ მათ და დაიხოცებოდნენ *(პიტერი დაბნეული შესტყერის ცოტა ხანს და მერე იცინის)*. აბა, კიდევ რას მეტყვი? ნეტავ რას აჭმევთ ამხელა ჯგროს?

**პიტერი:** მე... მე ერთ პატარა გამომცემლობაში აღმასრულებელ თანამდებობაზე ვარ. სახელმძღვანელოებს გამოვცემთ.

**ჯერი:** მშვენიერია; ძალიან კარგია; შემოსავალი რამდენი გაქვთ?

**პიტერი (ჯერ კიდევ მხიარულად):** მომისმინეთ!..

**ჯერი:** კარგი ერთი! მითხარით!

**პიტერი:** კეთილი, დაახლოებით 18000 წელიწადში, მაგრამ ჯიბეში არასდროს მიდევს 40 დოლარზე მეტი, ასე რომ... თუ მძარცველი

ხართ... ჰა-ჰა-ჰა...

**ჯერი (ყურადღებას არ აქცევს, ზემოთქმულს):** სად ცხოვრობთ? *(პიტერი ჭოჭმანობს)*. ნუ გეშინიათ, არც თქვენს გაძარცვას ვაპირებ და არც თქვენი თუთიყუმების, კატებისა და ქალიშვილების გატაცებას.

**პიტერი (ძალიან ხმაძლია):** ლექსინგტონისა და მესამე ავენიუს გადაკვეთაზე, 74-ე ქუჩაზე.

**ჯერი:** აი, ხომ ხედავთ, არც ისე ძნელი ყოფილა ამის თქმა.

**პიტერი:** საქმე სიძნელეზე არ არის, მაგრამ ჩვენ არ ვსაუბრობთ; ისეთი გრძნობა მაქვს, თითქოს დაკითხვას მინყობთ, მე კი საკმაოდ თავდაჭერილი ადამიანი ვარ. ფეხზე რატომ დგახართ?

**ჯერი:** ცოტა მუხლს გავმართავ და მერე დავჯდები. *(რალაცას იხსენებს)*. შეიცადე. სანამ მის სახეს დაინახავდე.

**პიტერი:** რა? რა სახეს? ზოოპარკს გულისხმობთ?

**ჯერი (ფიქრშია ჩაფლული):** რას?

**პიტერი:** ზოოპარკს, ზოოპარკს, ისევე ზოოპარკზე ამბობთ?

**ჯერი:** ზოოპარკს?

**პიტერი:** დიას, თქვენ ხომ რამდენიმეჯერ ახსენეთ ის.

**ჯერი (ისევე ფიქრშია ჩაფლული, მერე თითქოს უცებ გამოფხიზლდება):** ჰო, ზოოპარკი; მე ვიყავი იქ დღეს, სანამ აქ მოვიდოდი, აკი გითხარით კიდევ. აბა, თუ მეტყვი, რა განსხვავებაა საშუალოზე მაღალ საშუალო კლასსა და მაღალზე დაბალ საშუალო კლასს შორის?

**პიტერი:** იცით, ჩემო კარგო, მე...

**ჯერი:** ჩემო კარგოს ნუ მეძახით, გთხოვთ.

**პიტერი (სევდიანად):** მაპატიეთ, თუ ზედმეტად ფამილარული ვიყავი, მაგრამ თქვენმა შეკითხვამ კლასების შესახებ, ცოტა არ იყოს, გამაოცა.

**ჯერი:** მერე, როცა გაცხებული ხართ, ფამილარული ხდებით?

**პიტერი:** მე... მე... ხანდახან მიჭირს აზრის ჩამოყალიბება. *(ცდილობს ირონიული იყოს საკუთარი თავის მიმართ)*. მაგრამ მე ხომ გამომცემელი ვარ და არა მწერალი.

**ჯერი:** *(ელიმება, მაგრამ არა ამ ხუმრობაზე)* კარგი, ნუ მებოდიშებით; სიმართლე თუ გინდათ, ფამილარულად მე გექცეოდით.

**პიტერი:** არა, რას ბრძანებთ!

*(ამ დროს ჯერი სცენაზე ბოლთის ცემას იწყებს)*. უცბად თითქოს გონება უნათდება და მტკიცე გადაწყვეტილებას იღებს, ძაღლის ამბავი მოყვებს; ეს გრძელი მონოლოგი უნდა იყოს.

**ჯერი:** კარგი, სხვა რამეზე ვილაპარაკოთ; რომელი მწერლები გიყვართ? ბოდლერი და მარკენდი?



**პიტერი** (წინდახედულად): ბევრი მწერალი მიყვარს. ფრიად უენივერ-სალური გემოვნება მაქვს, თუ შეიძლება ასე ითქვას. ორივე მწერ-ალი თავისებურად კარგია. (ენთუ ზია ზმით განაგრძობს ლაპარაკს). ბოდლერი, რასაკვირველია... გაცილებით... დიდია, მაგრამ... მარკ-ენდმაც... თავის ადგილი... დაიჭირა... ჩვენს... ლიტერატურაში...

**ჯერი:** მორჩით რა!

**პიტერი:** მაპატიეთ.

**ჯერი:** გინდათ გითხრათ, რა ვქენი დღეს, სანამ ზოოპარკში მოვიდო-დი? მთელი მე-5 ავენიუ, ვოშინგტონის მოედნიდან მოყოლებული, ფეხით გამოვიარე; მთელი გზა, თავიდან ბოლომდე.

**პიტერი:** ალბათ ვილიჯში ცხოვრობთ. (ამაზრმა პიტერს თითქოს გონება გაუნათა და რაღაცას მიახვედრა).

**ჯერი:** არა, იქ არ ვცხოვრობ; უბრალოდ ვილიჯამდე მეტროთი მივე-დი, რათა იქიდან, მე-5 ავენიუს გავლით, ზოოპარკამდე ფეხით მივ-სულიყავი; ზოგჯერ გრძელი გზით უნდა მოუარო, რათა შინ მშვი-დობით დაბრუნდე; ზოგჯერ ეს აუცილებელია.

**პიტერი** (უკმაყოფილოდ): მე კი მეგონა, ვილიჯში ცხოვრობდით.

**ჯერი:** მაინც რისი გაკეთება გასურდათ? - საგნების არსს ჩანვდომოდ-ით? - ყველაფერი მოგენესრიგებინათ? თუ მოვლენების კლას-იფიცირება მოგეხდინათ? ეს ხომ ადვილი ასახსნელია. აი, მაგალი-თად, მე ძველ, ოთხსართულიან ქვიშაქვის სახლში ვცხოვრობ, სა-დაც ოთახები ქირავდება; ეს ვესტსაიდის რაიონია, კოლუმბის ავე-ნიუსა და ცენტრალურ პარკს შორის. მე ბოლო სართულზე ვცხო-ვრობ, ჩემი ფანჯარა უკანა მხარეს, ეზოს გადაჰყურებს. ოთახი — ისეთი პატარა, რომ სასაცილოდ არ გეყოფათ — მეორე, ასე-თივე პატარა ოთახისგან, თეჯირით არის გამოყოფილი. ეს ორი ოთახი, ალბათ, ოდესღაც, ერთი ოთახი იყო, მართალია პატარა, მაგრამ არა ისეთი სასაცილო. თეჯირს იქით შავკანიანი პედიკი ცხო-ვრობს, რომელსაც კარი სულ ღია აქვს, შეიძლება სულ არა, მა-გრამ ყოველთვის, როცა ლამის ბუდისტური გულისყურით, წარბებს იპუტავს. ეს, სიფრიფანა იაპონურ კიმონოში გამოწყობილი შავკა-ნიანი „დედოფალი“, ჩამპალი მეჩხერი კბილებით, დერეფანში წინ და უკან დარბის ოთახსა და ტუალეტს შორის. ეს საკმაოდ ხშირად ხდება, ანუ მუდმივად — ტუალეტში სირბილს ვგულისხმობ. არაფ-რით მანუხებს და არც თავის ოთახში მოჰყავს ვინმე; ერთადერთი - წარბებს იპუტავს, კიმონოს ატარებს და ტუალეტში სირბილს; ეს არის და ეს. ჩემს სართულზე კიდევ ორი ოთახია; ჩემსაზე დიდი, მაგრამ მაინც ერთი ბენო; ფანჯრები ქუჩის მხარეს გადის. ერთში პუერტორიკოელი ოჯახი ცხოვრობს: ქმარი, ცოლი და რამდენიმე ბავშვი, არცკი ვიცი, რამდენი. აი იქ კი სულ ხმაურია. მეორე ოთახ-

შიც ვილაც ცხოვრობს, მაგრამ დღემდე არ ვიცი, ვინ? არასდროს მინახავს, არასდროს.

**პიტერი** (გაოგნებულია): რატომ... რატომ ცხოვრობთ იქ?

**ჯერი** (კვლავ ფიქრშია ჩაფლული): არცკი ვიცი.

**პიტერი:** სასიამოვნო ადგილი არ უნდა იყოს...

**ჯერი:** ეს ხომ 74-ე ქუჩა არ არის, მაგრამ მე ხომ არც ცოლი მყავს, არც ორი ქალიშვილი, არც ორი კატა და არც ორი თუთიყუში. მთელი ჩემი ავლადიდება საპარსი, სასაპნე, ორიოდ ხელი ტანსაცმელი, ელექტ-როქურა, რომლის ხმარებაც ჩვენს სახლში აკრძალულია, კონ-სერვის გასახსნელი - აი ისეთი, კაუჭიანი რომ არის, ერთი დანა, ორი ჩანგალი, ორი კოვზი - ჩაის და სუფრის, სამი თევზი, ჩაის ჭიქა თავისი ლამბაქით - ჭიქა წყლისთვის, სურათის ორი ჩარჩო - ორივე ცარიელი, რვა, თუ ცხრა ნიგნი, ბანქოს ორი დასტა - პორნოგრაფი-ული და ჩვეულებრივი, ძველისძველი საბეჭდი მანქანა, რომელიც მხოლოდ მთავრულ ასოებს ბეჭდავს და კიდევ, ყუთი-სეიფია, რომელსაც კლიტე არა აქვს; გაინტერესებთ რა დევს შიგნით? კენ-ჭები, ჰო, ჩვეულებრივი ზღვის კენჭები, რომელსაც ბავშვობაში სანაპიროზე ვაგროვებდი. მის ქვეშ კი წერილები დევს — „გეთაყ-ვა“ წერილები, „გეთაყვა, არ გააკეთოთ ეს“, ან „გეთაყვა, გააკეთეთ ის“ და „როდის“ წერილები, „როდის მომწერო?“, ან „როდის მომი-ნახულებო?“ ... როდის... როდის... ეს უფრო გვიანდელი წერილებია.

**პიტერი** (კოპებშეკრული დაჰყურებს თავის ფეხსაცმელს და შემდეგ): იმ ორი ცარიელ ჩარჩოში...

**ჯერი:** რა დიდი მიხვედრა უნდა! არავის სურათი არა მაქვს, რომ შიგ ჩავდო.

**პიტერი:** თქვენი მშობლების ან თუნდაც... მეგობარი ქალის...

**ჯერი:** კარგი ადამიანი ხართ, მაგრამ საკმაოდ გულუბრყვილო. ჩემი ძვირფასი დედიკო და ჩემი ძვირფასი მამიკო... მოკვდნენ... გასაგე-ბია?... მე ვწუხვარ... მართლა ვწუხვარ. მაგრამ. ახლა ისინი თავისი ვოდვეილის თამაშს იქ, ზეცაში აგრძელებენ, მე კი მათ კოპნია და ჩარჩოში ჩასმულ სურათებს აქ რატომ ვუყურო... არ მესმის. ეგეც არ იყოს, ჩემმა ძვირფასმა დედიკომ მაშინ მიატოვა ჩემი ძვირფასი მამიკო, როცა ათი წლის ვიყავი და მთელი ერთი წლით სამხრეთ შტატებში გაემგზავრა, სასიყვარულო ტურნეში. ამ მოგზაურობა-ში, მისი მრავალრიცხოვანი ჩვევიდან, უმთავრესი მაინც სუფთა ვისკი იყო. ყოველ შემთხვევაში, ჩემმა ძვირფასმა მამიკომ ასე თქვა, როცა სამხრეთში გაემგზავრა... და... საყვარელი დედიკო... ჩამოასვენა. ძვირფასმა დედიკომ სული ნაგვის გროვაზე დალია, სადღაც ალაბამაში. ჩვენ ეს ამბავი შობის შემდეგ გავიგეთ, ახალ წლამდე რამდენიმე დღით ადრე; ყველასგან მიტოვებული მოკვ-

და, ან კი ვის რად ენაღვლებოდა... ვინ იყო? რას წარმოადგენდა? ერთი ჩვეულებრივი ლოთი... სადღაც ჩრდილოეთიდან. ამის შემდეგ ჩემი ძვირფასი მამიკო ლამის ორი კვირა ქეიფობდა ახალ წელს და მთვრალს, ომნიბუსმა გადაუარა. ამით შეიძლება ოჯახის ისტორია დამთავრებულიყო, მაგრამ სად იყო და სად არა, საიდანღაც დეიდა გამომჩინდა, დედის და. ის წესიერი ადამიანი იყო და არც სასმელს ეტანებოდა; მასთან ცხოვრება ბუნდოვნად მახსოვს, თუმცა ერთი კი შემიძლია ვთქვა - ყოველთვის უფმური გამომეტყველება ჰქონდა: სულ ერთია, ეძინა, ჭამდა, მუშაობდა, თუ ღოცობდა. მერე კი აიღო და მოკვდა თავისი და შემდგომში, ჩემი ოცნების კიბეზე და სწორედ იმ დღეს, როცა სკოლას ვამთავრებდი; **სადა არ გინდა?!**

**პიტერი:** წარმოუდგენელია!

**ჯერი:** მაგრამ ეს დიდი ხნის წინ მოხდა და აღარაფერს ვგრძნობ, თითქმის დაცლილი ვარ ყველანაირი ემოციისგან; ახლა ხვდებით, რატომ არ ჩავსვი ჩარჩოში ჩემი ძვირფასი დედიკოს და მამიკოს ფოტოები? სულ დამავინწყდა მეკითხა, რა გქვიათ?

**პიტერი:** პიტერი.

**ჯერი:** მე კი, ჯერი.

**პიტერი (ცოტა არ იყოს ნერვიულად იცინის):** ძალიან სასიამოვნოა.

**ჯერი (თავს უკრავს მისალმების ნიშნად):** ახლა კი დავფიქრდეთ, რა ჯანდაბად მიხდა ქალის ფოტოსურათი, მითუმეტეს, ორ ჩარჩოში: ალბათ გახსოვთ, რომ ორი ჩარჩო მაქვს. მე ხომ ყველა ქალს მხოლოდ თითოჯერ შევხვდი და მერე თვალიც აღარ მომიკრავს. ასეც რომ არ იყოს, არცერთს თავისი ფოტო არ უჩუქებია. ცოტა არ იყოს, უცნაურია და იქნებ, სევდიანიც.

**პიტერი:** რა არის უცნაური და სევდიანი? რომ ფოტოსურათი არ უჩუქებიათ?

**ჯერი:** არა; ერთჯერადი შეხვედრები. არ შემეძლო ერთსა და იმავე ქალთან... როგორ ვთქვა... სექსი, ან, თუ გნებავთ, სასიყვარულო ურთიერთობა ორჯერ. მხოლოდ ერთხელ და მეტჯერ აღარ. ახლალა გამახსენდა: იყო ერთი ადამიანი, რომელთანაც მთელი კვირანახე-ვარი დავყავი; მაშინ 15 წლის ვიყავი და ძალიან მრცხვენოდა, რომ ნამდვილ მამაკაცობაშიდე ჯერ ბევრი მაკლდა. ჰ-ო-მ-ო-ს-ე-ქ-ს-უ-ა-ლ-ი გავხდი, გასაგებია? (ძალიან სწრაფად) პედერასტი... პედერასტი... პედერასტი... ზარები კი რეკდა და დროში ქარში ფრიალებდა. ის, ვისაც, იმ თერთმეტი დღის განმავლობაში, კვირაში ორჯერ ვხვდებოდი, პარკის დარაჯის ვაჟი იყო... ბერძენი, - ერთი წლით უფროსი, მაგრამ ჩვენი დაბადების დღეები ემთხვეოდა ერთმანეთს. მაშინ მეგონა, რომ ძალიან შეყვარებული ვიყავი, იქნებ

სექსის გამო; ის სულ სხვა განცდა იყო; ახლა კი ლამაზი ქალები ძალიანაც მომწონს. რომ იცოდეთ, როგორ მომწონს! მაგრამ მხოლოდ ერთი საათით.

**პიტერი:** მაგის გაგება ადვილია.

**ჯერი (გაბრაზდება):** იმის თქმა ხომ არ გინდათ, რომ ცოლი შევიერთო და თუთიყუშები შევიძინო?

**პიტერი (ისიც გაბრაზდება):** რას გადაეკიდეთ ამ თუთიყუშებს! იცხოვრეთ მარტომ, თუ ასე გსურთ; რა ჩემი საქმეა! ეს ლაპარაკიც მე არ წამომინწყია და...

**ჯერი:** ჰო, კარგი, მაპატიეთ, შევრიგდით?

**პიტერი (იცინის):** არ მწყენია.

**ჯერი (შვებით ამოისუნთქებს):** ძალიან კარგი. (კვლავ ძველ კილოს უბრუნდება). საინტერესოა, რომ სწორედ ჩარჩოებმა დაგაინტერესათ; რატომღაც მეგონა, პორნოგრაფიულ ბანქოზე შემეკითხებოდით რამეს.

**პიტერი (მრავალმნიშვნელოვნად იღიმება):** ნანახი მაქვს.

**ჯერი:** საქმე ეგ არ არის. (იცინის). ალბათ სკოლაში, ბიჭებს შორის, ასეთი ბანქო ხელიდან ხელში გადადიოდა, ან იქნებ, თქვენი საკუთარიც კი გქონდათ.

**პიტერი:** ბევრს ჰქონდა და მეც, მათ შორის...

**ჯერი:** და ქორწინებამდე გადააგდეთ, არა?

**პიტერი:** გარკვეული ასაკის შემდეგ აღარ დამჭირვებია.

**ჯერი:** სულ აღარ?

**პიტერი (ეჩრთირა):** არ მომწონს ასეთ თემაზე ლაპარაკი.

**ჯერი:** მაშინ ნუ ვილაპარაკებთ; თქვენი პრობლემები მე არ მეკითხება. უბრალოდ, მაინტერესებდა, როგორ აღიქვამს პორნოგრაფიულ ბანქოს ადამიანი ბავშვობაში და უფრო მოზრდილ ასაკში. პატარა ბიჭისთვის ეს ალბათ პრაქტიკულ გამოცდილებას ცვლის, ხოლო მოზრდილისთვის — ფანტაზიას. მაგრამ მგონი, ზოოპარკის ამბავი უფრო გაინტერესებდათ.

**პიტერი (გამოცოცხლდება):** დიახ, ზოოპარკი (უფრო თავშეკავებულად ამბობს). თუ რასაკვირველია... თქვენ...

**ჯერი:** გეტყვით, რატომაც წავედი იმ... მაგრამ მანამდე, სხვა რამეს მოგიყვებით. მგონი, უკვე გითხარით, რომ მეოთხე სართულზე ვცხოვრობ; ქვედა სართულებზე ოთახები უკეთესია; ზუსტად არ ვიცი, მაგრამ ასე მგონია. არც იქ მაცხოვრებლებს ვიცნობ. თუმცა არა, ერთ ქალს ვიცნობ მესამე სართულიდან. ვიცნობ, რადგან სულ ტირის. მივდივარ სადმე თუ შინ ვბრუნდები, მის კართან უნდა გავიარო და ოთახიდან ჩუმი, მაგრამ მკაფიო ზღუქუნის ისმის... ძალიან მკაფიო... მაგრამ ახლა სხვა ქალზე, სახლის მეპატრონეზე და მის



ძალზე მინდა გიამბოთ. ჩვეულებრივ, ადამიანების დახასიათებისას, არ მიყვარს უხეში სიტყვები, მაგრამ ის ერთი გასიებული, მახინჯი, უბადრუკი, სულელი, ჭუჭყიანი, მუდამ დაბოლმელი, მსუბუქი ყოფაქცევის ლოთი ქალია. მოკლედ, გვარიანი ნაძირალაა. უფრო „მაგარ“ სიტყვებსაც იმსახურებს, მაგრამ აღარ გავაგრძელებ.

**პიტერი:** საკმაოდ ხატოვნად აღწერეთ.

**ჯერი:** გმადლობთ. ჰოდა, იმ ქალს ძალი ჰყავს ის და მისი ძალი ჩემს ბუნავს ყარაულობენ. პირდაპირ აუტანელი დედაკაცია; სულ დერეფანში დანანნალებს და მითვალთვალებს: რა მოვიტანე, ან ვინმე ხომ არ მოვიყვანე სტუმრად. შუადღისას, ჩვეულებრივ, ერთ პინტ ლიმონიან ჯინს ყლურნავს, მერე დერეფანში მაჩერებს. პალტოზე ან მხარზე ჩამომეკონნიალება და ცდილობს, თავისი მყრალი სხეულით მომეკრას, რათა კუთხეში მიმიმწყვიდოს და დამელაპარაკოს. როგორ ყარს... ვერც კი წარმოიდგენთ... მისი ჩიტივით ტვინი მხოლოდ ჭამას, სმას და კუჭში გასვლას აღიქვამს და სადღაც, ძალიან შორს, გონების სიღრმეში, ჭიატობს რალაც ვნებისდამაგვარი; მე კი მისი ბინძური ავხორცობის საგანი ვარ. ნამდვილი პაროდიია და სხვა არაფერი.

**პიტერი:** რა ამაზრზენია... საზიზღრობაა...

**ჯერი:** მაგრამ მე ვიპოვე გზა, როგორ დავუსხლტე ხელიდან. როცა გასაქანს არ მაძლევს, ტკიპასავით მეკვრის და თავის ოთახში მეპატიუება, ყოველთვის ერთსა და იგივეს ვეუბნები ხოლმე: „ჩემო მშვენიერო, განა გუშინდელი და გუშინდელი არ გეყო?“ ქალი მაშინვე იბნევა, ჭრუჭრუტა თვალები კიდევ უფრო უპატარავდება, ცოტა ხანს აქეთ-იქით ქანაობს და... არ დაიჯერებთ, პიტერ, მაგრამ ისეთი გრძნობა მეუფლება, თითქოს სიკეთეს ვშვრები: ქალს უტვინო სახეზე ნეტარების ღიმილი ეფინება, ხითხითებს და კრუსუნით იხსენებს გუშინდელ და გუშინდელ სასიამოვნო წუთებს, რაც სინამდვილეში არ ჰქონია. შემდეგ ეძახის ძალს, იმ შავ მონსტრს და თავის ოთახში შედის. მე კი მომავალ შეხვედრამდე თავისუფალი ვარ. როგორია?

**პიტერი:** რა ვიცი... წარმოუდგენელია... შეუძლებელია, ასეთი რამ, მართლა ხდებოდეს.

**ჯერი (ოდნავ დამცინავია):** გეგონათ, მხოლოდ წიგნებში ხდებოდა, არა? **პიტერი (სერიოზულად):** დიახ.

**ჯერი:** გამონაგონს უფრო ნააგავს, ასე არ არის? ახლა კი ძალზე მოგიყვებით.

**პიტერი (ნერვიულობს):** დიახ, ძალზე...

**ჯერი:** ჯერ ხომ არ მიდიხართ?

**პიტერი:** არა... არა...

**ჯერი (ისე ელაპარაკება, როგორც ბავშვს):** იმიტომ რომ, ჯერ ძალის ამბავს მოგიყვებით, მერე კი გიამბობთ... რა მოხდა ზოოპარკში.

**პიტერი (ცალკებად იცინის):** ეს რამდენი ამბავი გცოდნიათ...

**ჯერი:** თუ არ გინდათ, ნუ მომისმენთ; არავინ გაკავებთ.

**პიტერი (გალიზიანებულია):** ვიცი.

**ჯერი:** მართლა?

*(ჩემი აზრით, შემდგომ გრძელ მონოლოგს თან უნდა სდევდეს უწყვეტი მოძრაობა, რომელიც ჰიპნოზივით იმოქმედებს პიტერზე და მასურებელზე; ზოგი რამ უკვე შეთავაზებული იყო ადრე, მაგრამ ამ სცენის საბოლოო გადანყვეტა რეჟისორზე და იმ მსახიობზე დამოკიდებული, ვინც ჯერის როლს ითამაშებს).*

ძალიანაც კარგი (თითქოს უზარმაზარ აფიშას კითხულობს). **ჯერის** და ძალის ამბავი! (ჩვეულებრივი კილოთი აგრძელებს) ეს ამბავი მჭიდროდაა დაკავშირებული იმასთან, რომ ხანდახან გრძელი გზით უნდა მოუარო, რომ შინ მშვიდობით და მალე დაბრუნდე; მაგრამ იქნებ სულაც არ არის ასე. ამიტომაც ნავედი დღეს ზოოპარკში და მერე ჩრდილოეთის მიმართულებით ვიარე... სანამ აქ მოვიდოდი. ისევ ძალს დავუბრუნდეთ, ანუ შავ მონსტრს: უზარმაზარი დრუნჩი, პატარა ყურები, გარეთ გამოჩრილი ნეკნები და ჩასისხლიანებული, შეიძლება დაავადებული თვალები აქვს; მთლად შავია, ნახშირივით შავი; მხოლოდ თვალები აქვს ნითელი და კიდევ, მარჯვენა?... ჰო... მარჯვენა წინა თათზე ღია წყლული, ისიც ნითელი. ხანდახან მეცოდება კიდევ, იმიტომ რომ ბებერია და აღარავის სჭირდება. სანყალი მონსტრი! ზოგჯერ ჩაყვითლებული, რუხი და თეთრი ფერის ეშვებიც უჩანს, როცა ღრენას ცდილობს, აი ასე: ღრრრ... პირველად, იმ სახლში რომ გადავედი, მეც შემომიღრინა! იმ დღიდან მოსვენება არა მაქვს. ცხოველები სიყვარულით არასდროს მანებივრებდნენ, არც ფრინველების სიმპათიით ვსარგებლობდი, წმინდა ფრანცისკვიით. იმის თქმა მინდა, რომ ცხოველები და ფრინველები გულგრილად მეპყრობიან... ადამიანებიც... როგორც წესი... (ოდნავ იღიმება). მაგრამ ეს ძალი აშკარად არ მეპყრობოდა გულგრილად. პირველივე დღიდან მიყვფდა, მომდევნა და ცდილობდა, უკნიდან კანჭში მწვდომოდა. ეს არ იყო გაცოფებული, ავი ძალის სიშმაგე; ბოროტი განზრახვა არ ჰქონდა, გაუთვითცნობიერებლად აკეთებდა ამას, თანაც ბოროტიკება და ამიტომ თითქმის ყოველთვის ვახერხებდი დასხლტომას. თუმცა ერთხელ მაინც მწვდა კბილებით შარვალში; აი აქ, სადაც დაკემსილია, ხედავთ? ეს მეორე დღეს მოხდა, როცა იმ სახლში გადავედი საცხოვრებლად, მაგრამ ფეხისკვრით მოვიშორე და სირბილით ავვარდი კიბეზე. (გაოგნებულია). ნეტა მეზობლები როგორ უმკლავდებიან! მაგრამ

რატომღაც მგონია, ძალი ასე მხოლოდ მე მექცეოდა. ეს დაახლოებით ერთი კვირა გრძელდებოდა, თანაც მხოლოდ მაშინ, როცა შინ ვბრუნდებოდი და არასდროს, თუ გარეთ გავდიოდი. საინტერესოა, არა? უფრო სწორად, იყო საინტერესო, ოდესღაც; თითქოს უნდოდა, გუდა-ნაბადი ამეკრა და ქუჩაში მეცხოვრა. ერთხელაც, როცა თავქუდმოგლეჯილი შევვარდი ოთახში, რათა არ ეკბინა, დაფიქრდი ამაზე და მტკიცედ გადავწყვიტე... ჯერ კეთილი მოპყრობით მომეკლა ძალი და თუ ესეც არ გაჭრიდა... მართლა მომეკლა. (პიტერი შეერთება). ნუ ნერვიულობთ, პიტერ, მხოლოდ მისმინეთ. მეორე დღეს ვიყიდე ერთი პარკი სავსე ჰამბურგერებით, არც თუ ძალიან გადაბრანული, ყოველგვარი კეტჩუბისა და ხახვის გარეშე, მერე პურიც მოვაშორე და ცარიელი ხორცი დავტოვე. (შემდეგ მონაყოლს შეიძლება ვიზუალური ხასიათი მიეცეს). სახლს მივუახლოვდი და სადარბაზოს კარი სანახევროდ შევადე; ძალი იქ მელოდებოდა. ეს ხელს მაძლევდა. ფრთხილად შევედი და ხორცი ათ ნაბიჯზე დავდე იმ ადგილიდან, სადაც იჯდა და მიღრენდა. ძალმა ერთხელ კიდე შემომიღრინა, მერე გაჩერდა, ჰაერი დაყნოსა და ხორცისკენ ნავიდა... ჯერ ზანტად, მერე კი სულ უფრო სწრაფად. მივიდა ხორცთან და შემომხედა; მე პირფერულად გავუღიმე. მან ისევ დახედა ხორცს, დაყნოსა და ისეთი სისწრაფით დაუნყო თქველფა, თითქოს ნავის მეტი ცხოვრებაში არაფერი უჭამიაო. იქნებ ასეც იყო. მგონი, არც სახლის მეპატრონე ქალს უჭამია რამე, გარდა აშმორებული ნარჩენებისა. ძალმა ელვის სისწრაფით გადასანსლა ხორცი და ქალადის შეჭმაც სცადა, თან სიამოვნებისგან კრუსუნებდა. შემდეგ დაჯდა და გამიღიმა; ყოველ შემთხვევაში, მე ასე მომეჩვენა. კატები იღიმებიანო, გამიგია. ეს მაღლიერების რამდენიმე ნამი იყო. და უცებ ღრრ! დაიღრინა და ისევ მეცა, მაგრამ ამჯერად ვერ მომწვდა. ოთახში შევვარდი, ლოგინზე დავემხე და იმ უმადურ ძალზე დავინყე ფიქრი. ძალიან ნანყენი და გაცოფებული ვიყავი. ექვსი მშვენიერი ჰამბურგერი, თითქმის ლორის ხორცის გარეშე... ლორის ხორცით ხომ საშინლად უგემურია... ნამდვილად ძალიან გაბრაზებული ვიყავი. მაგრამ ცოტა რომ დავფიქრდი, გადავწყვიტე, რამდენიმე დღის შემდეგ, კიდე ერთხელ მეცადა ბედი. ძალი აშკარად ცუდი თვალთ მიყურებდა. მე კი მაინტერესებდა, შევძლებდი თუ არა მისი ანტიპათიის გადალახვას. ხუთი დღის განმავლობაში მიმქონდა მისთვის ხორცი, მაგრამ სულ ერთი და იგივე მეორდებოდა: ძალი იღრინებოდა, ჰაერს ყნოსავდა, მიდიოდა ხორცთან, ჭამდა, მიღიმოდა, მერე მიღრენდა და ცდილობდა კანჭში მცემოდა. ჩვენი ქუჩა მოფენილი იყო ჰამბურგერებით. შეურაცხყოფილი უფრო ვიყავი, ვიდრე გაბრაზებული;

ლი; ჰოდა, მეც ძალის მოკვლა გადავწყვიტე. (პიტერი პროტესტის ნიშნად ხელს ასწევს). ნუ ლელავთ, პიტერ; ვერ შევძელი; იმ დღეს მხოლოდ ერთი ჰამბურგერი ვიყიდე და კიდეც, როგორც მეგონა, თავის ნამლის მომაკვდინებელი დოზა. როცა გამყიდველს ვუთხარი, ცარიელი ხორცი მინდა, უპუროდ-მეთქი, მეგონა, მიპასუხებდა: უპუროდ არ ვყიდითო. ან „ხელიდან შეჭამთ?“, ან რალაც მაგდაგვარს, მაგრამ მან ხორცი მშვიდად გამიხვია ქალადში და მკითხა: „კატისთვის გინდათ?“ ერთი სული მქონდა მეთქვა: „არა, ერთი ჩემი ნაცნობი ძალი უნდა მოვნამლო-მეთქი“, მაგრამ „ჩემი ნაცნობი ძალი“ სასაცილოდ მომეჩვენა და ხმამალა, ოფიციალური კილოთი ვუპასუხე: „ჰო, კატისთვის“. ხალხმა გაკვირვებით შემომხედა. მუდამ ასე ხდება, როცა საქმის გაიოლებას ვცდილობ, მაინცდამაინც კარგად არ გამომდის. სახლს რომ მივუახლოვდი, სანამლავი და ხორცი ერთმანეთში ავზილე; საზიზლარი გრძნობა დამეუფლა. სადარბაზოს კარი შევადე, ძალიც იქვე იყო, იჯდა, რათა კუთვნილი ულუფა მიელო და მერე, ჩვეულებისამებრ, კბილების ღრჭილით ჩემსკენ გამოქანებულიყო. სულელი! ვერც ხედებოდა, რომ სანამ მიღიმოდა, გაქცევას მოვასწრებდი. მაგრამ აი ისიც! დაბოლმილი ზის და მელოდება. მონამლული ხორცი ძირს დავდე და კიბიდან თვალთვალი დავუწყე. ძალმა თვალის დახამხამებაში შესანსლა მონამლული ხორცი, გამიღიმა და როგორც ყოველთვის, ჩემსკენ ისკუპა; მეც, ჩვეულებისამებრ, კიბეზე ავვარდი და გავასწარი. მერე საცოდავი ძალი ძალიან ავად გახდა! ამას იმით მივხვდი, რომ სადარბაზოში აღარ მელოდებოდა, სახლის მეპატრონე ქალმა კი სმას თავი ანება. იმავე საღამოს ქალმა დერეფანში გამაჩერა და მითხრა, რომ მის საცოდავ ძალს მალე ღმერთი თავისთან ნაიყვანდა. ქალს თავისი ბილნი ვნებაც კი გადაავიწყდა, მუდარით მიმზერდა და მთხოვდა, მელოცა ძალისთვის; მაშინლა შევამჩნიე, თუ როგორ ჰგავდა მისი ფართოდ გახელილი თვალები ძალის თვალებს. ერთი სული მქონდა მეთქვა, რომ უმჯობესი იყო მე ზობლებისთვის მელოცა, ყველასთვის, ვინც ამ სახლში ცხოვრობდა, ან სხვა ამგვარ სახლებში; თანაც ლოცვაც არ ვიცი-მეთქი, მაგრამ საქმე კვლავ გავიოლე, თავი შევიკავე და დავპირდი, რომ აუცილებლად ვილოცებდი. ქალმა ამომხედა და ნუ იტყუებო - მითხრა, დიანაც, გინდა, ძალი მოკვდესო. არა-მეთქი, ვუთხარი და იმ დროს სრულიად გულწრფელი ვიყავი. მართლა მინდოდა, კარგად გამხდარიყო, იმიტომ არა, რომ მე მოვნამლე. მინდოდა მენახა, როგორ შემხვებოდა.

კანკა 25

ს ა ქ ა რ თ ვ ე ლ ო ს  
ჰ ა რ ლ ა მ ე ნ ტ ო ს  
ე რ ო ვ ნ უ ლ ი  
გ ი ბ ლ ი ო თ ე ა



*(პიტერი ამკარად გამოხატავს თავის მზარდ ანტიპათიას)*

უნდა გამიგოთ, პიტერ, ეს მნიშვნელოვანია ჩემთვის, მერწმუნეთ, უარლესად მნიშვნელოვანი; ჩვენ უნდა ვიცოდეთ, თუ რა შედეგი მოჰყვება ჩვენს საქციელს *(ისევ ოხრავს)*. მოკლედ, ბევრი რომ არ გავაგრძელო, ძალი გამოჯანმრთელდა; აზრზე არა ვარ, როგორ; იქნებ იმ ძალის შთამომავალია, რომელიც ჯოჯოხეთის, თუ რაღაც ამდაგვარის, კარიბჭეს დარაჯობს. მითოლოგიაში მაინც დამაინც ვერ ვერკვევი.

*(პიტერი ფიქრში იძირება, ჯერი კი განაგრძობს)* ასე იყო თუ ისე, ძალი გამოჯანმრთელდა, სახლის მეპატრონე ქალი კი სასმელს დაუბრუნდა; ცხოვრება ძველ კალაპოტში ჩადგა. ერთხელაც, როცა კინოდან ვბრუნდებოდი, სადაც ათასჯერ ნანახი ფილმი ვნახე, ან იქნებ, ჰგავდა ათასჯერ ნანახს, გულის სიღრმეში იმედი მქონდა, რომ ძალი კვლავ მელოდა. ეს არც ჯადო იყო... არც იდეა-ფიქსი... არამედ, სურვილი კვლავ შევხვედროდი ძველ მეგობარს. დიახ, პიტერ, მეგობარს და სხვა არაფერი. გულისფანცქალით შევალე სადარბაზოს კარი და უშიშრად გავემართე კიბის კენ; ძალი იქ იყო, იჯდა და შემომცქეროდა; მეც გაეჩერდი და შევხედე; მგონი... დიდხანს ვიყავით ასე გაშეშებული... არ ვიცი... თვალი თვალში გვექონდა გაყრილი, მგონი, კონტაქტიც დამყარდა ჩვენს შორის; ოღონდ მე უფრო დიდხანს ვუყურებდი, რადგან ძალები, როორც წესი, ხანგრძლივად ვერ უძლებენ ადამიანის მზერას. სწორედ ასეთ კონტაქტზე ვოცნებობდი; მე მიყვარდა ეს ძალი და მინდოდა, მასაც ვყვარებოდი; სიყვარული და სიძულვილი ერთმანეთში აირია; ვეცადე ეს ორი გრძნობა გამეცალკეებინა, მაგრამ ვერ მოვახერხე. დიდი იმედი მქონდა, რომ... ძალი... გამიგებდა... ნეტა რატომ?...

*(პიტერს თითქოს შიშნოზი გაუკეთოსო)*

საქმე ისაა, რომ... რომ... *(პიტერი დაძაბული უსმენს)* თუ ადამიანებთან ვერ ამყარებ კონტაქტს, მაშინ ჯერ სხვაგან უნდა სცადო ბედი, მაგალითად, ცხოველებთან! *(ლაპარაკობს სხაპასხუპით, თითქოს ეშინია, არ გამიგონო)* გასაგებია? ადამიანს ურთიერთობისთვის აუცილებლად სჭირდება სხვა ვინმე და თუ ვინმე არ ჰყავს, მაშინ რამე! ეს შეიძლება იყოს სანოლი... მწერი... სარკე... ხალიჩა... თუნდაც ტუალეტის ქალაღი... არა, ეს ბოლო არ ვარგა, არც სარკე გამოდგება, სასაცილო მდგომარეობაში აღმოჩნდები... ხედავთ, რა

ძნელია სწორი არჩევანის გაკეთება? გზაჯვარედინიც გამოდგება, როცა ლამპიონების შუქი სხვადასხვა ფერად ირეკლება სველ ტროტუარზე... ბოლის ჭავლიც... ან პორნოგრაფიული ბანქო... სეიფიც — საკეტის გარეშე... სიყვარულიც... რწყევაც და გულის გამგმირავი კივილიც... და მძვინვარება, რომ ახალგაზრდა ლამაზი ქალბატონები არც ლამაზები არიან და არც ქალბატონები... სხეულით ვაჭრობაც გამოდგება, რადგან ისიც სიყვარულის აქტია და შემოიძლია დავამტკიცო ეს... ღმუილიც, რადგან ცოცხალი ხარ და... თვით ღმერთიც. შოკირებული ხართ? მე ვგულისხმობ ღმერთს, რომელიც ჩემს მეზობლებშია: კიმონოში გამონყობილ „შავკანიან დედოფალში“, რომელიც წარბებს იპუტავს, ან იმ ქალში, რომელიც დღედაღამ გულამოსკვნილი ტირის თავის ოთახში... ღმერთს, რომელმაც, როგორც მითხრეს, დიდი ხანია ზურგი აქცია ამ ქვეყანას და ბოლოს... ადამიანებიც *(ჯერი ამ ბოლო სიტყვას ამოიგმინებს)*; დიახ, კიდევ ადამიანებიც, რომლებსაც გაუზიარებ შენს აზრებს და შეხედულებებს, დაელაპარაკები; მაგრამ მითხარით, ციხის ამ დამამცირებელ და ყალბ ვითარებაში, ურთიერთობისთვის სადარბაზოზე უკეთესი ადგილი, თუ გეგულებათ? იქ მოვისმენენ და მოუსმენ, გაგიგებენ და გაუგებ; არადა, რა ჰქვია იმ არსებას, რომელსაც პირველ ყოვლისა, ჯობს გამოელაპარაკო, თუ არა...

*(აქ ჯერი თითქმის გროტესკულ დაღლილობას გამოხატავს)*

თუ არა... ძალი... დიახ, დიახ... ძალი.

*(ამ ადგილას პაუზა ოდნავ უნდა გაჭიანურდეს, რომლის შემდეგაც ჯერი გაავრძელებს თბრობას)*

ეს აზრი საკვებით მისაღები მეჩვენა, რადგან ადამიანი ძალის საუკეთესო მეგობარია. ჩვენც ვიდექით და ვუყურებდით ერთმანეთს — მე მას უფრო დიდხანს, ვიდრე ის მე. მას შემდეგ, ერთი და იგივე მეორდება: ყოველ შეხვედრაზე ადგილზე ვშეშდებით, სევდითა და ეჭვით აღვსილნი, მერე კი გულგრილობას ვასახიერებთ, მაგრამ ასეა თუ ისე, ჩვენ უკვე გაფუგეთ ერთმანეთს და აღარ ვუფრთხით. მანამდე კონტაქტის დამყარების ყველა მცდელობა კრახით მთავრდებოდა. ახლა კი ძალი ნარჩენების გროვას უბრუნდება, მე კი თავისუფლად ვაგრძელებ გზას ჩემი ოთახისკენ. მე მივხვდი, რომ სიკეთე და სისასტიკე ცალ-ცალკე არაფრის მაქნისია, ხოლო ერთად — დიდი ძალა აქვს, რადგან ემოციის გამონვევა შეუძლია; ახლა კი რა გამოვიდა? მე და ძალმა მივალნიეთ კომპრომისს,

უფრო სწორად, გარიგებას: ჩვენ არც გვიყვარს და არც გვძულს ერთმანეთი, რადგან აღარ ვცდილობთ, გავუგოთ ერთმანეთს. ნეტა ძალის ქმევა თუ შეიძლება სიყვარულის გამოხატულებად მივიჩნიოთ? ან ავიღოთ ძალის რომელიც ცდილობდა ეკბინა ჩემთვის, იქნებ ესეც სიყვარულის გამოხატულება იყო, მაგრამ მე ვერ მივხვდი? თუ ურთიერთგაგება არ იქნება, მაშინ, საერთოდ, რა საჭიროა სიტყვა „სიყვარული“...

*(პაუზა; ჯერი მიემართება პიტერისკენ და მის გვერდით ჯდება სკამზე მთელი პიესის განმავლობაში, ჯერი პირველად ჯდება)*

ასე დასრულდა ჯერისა და ძალის ამბავი *(პიტერი დუმს)*. აბა, რას იტყვით, პიტერ? *(ჯერი გამხიარულდა)* არ მოგეწონათ? რომელიმე უურნალში ხომ არ გამომეჭყვეყნებინა, მაგალითად, ასეთი სათაურით: „დაუფინყარი ნაცნობობა“ და ცოტა ფული გამეკეთებინა.

*(ჯერი გამოცოცხლებულია, ხოლო პიტერი შენუხებულნი ჩანს)*

პიტერ, მითხარით რამე; თქვენი აზრი მართლა მაინტერესებს. პიტერი *(გაოგნებულია)*: მე... არ მესმის... არა მგონია, რომ... *(ლამის იტიროს)* ამ ყველაფერს, რატომ მიყვებით?

ჯერი: მერე რა?

პიტერი: უბრალოდ, არ მესმის!

ჯერი *(გაცოფებულია, მაგრამ ჩურჩულით)*: ცრუობთ.

პიტერი: არა, სიმართლეს მოგახსენებთ!

ჯერი *(წყნარად)*: მე ხომ შევეცადავ ყველაფერი ამეხსნა; ეს დაკავშირებულია...

პიტერი: მეტს ნულარაფერს მეტყვით! ვერაფერი გავიგე — ვერც თქვენი, ვერც სახლის მიზანტრონისა და ვერც მისი ძალის...

ჯერი: მისი ძალის? მე კი მეგონა, ჩემი იყო... არა, მართალი ბრძანდებით, ძალის, მართლაც, მისია *(ყურადღებით უყურებს მიტერს და თავს აქნევს)*. არც კი ვიცი, რატომ მოგიყვებით... მაინც ვერაფერი გაიგეთ *(ამბობს მონოტონურად, დაღლილი სახე აქვს)* მე ხომ თქვენს სახლში არ ვცხოვრობ, არც ორ თუთიყუშზე ვარ დაქორწინებული და თქვენი ცხოვრების წესი და რიგიც, თუ რაც არის, ჩემთვის უცხოა... მე მარადი მანანნალა, ანუ დროებითი მაცხოვრებელი ვარ და ჩემი ბუნავი ნიუ-იორკის, ამ უდიდესი ქალაქის, ვესტ-საიდია; ამინ!

პიტერი: არ მინდოდა... მაპატიეთ...

ჯერი: არაფერია... ალბათ ერთი სული გაქვთ, თავიდან მომიშორეთ... ასეა?

პიტერი *(ხუმრობს)*: გამომცემლობაში ყველაფერს შევეჩვიე. *(ხითხითებს)*.

ჯერი: ხუმარა ყოფილხართ *(ცდილობს გაიცინოს)*. კარგი იუმორი გაქვთ...

პიტერი *(თავდაჭერილია, მაგრამ ნასიამოვნები)*: რას ბრძანებთ... *(კვლავ ხითხითებს)*.

ჯერი: მართალი მითხარით, ჩემი აქ ყოფნა გალიზიანებთ?

პიტერი *(ძალდაუტანებლად)*: სიმართლე გითხრათ, სულ სხვაგვარად ვფიქრობდი ამ შუადღის გატარებას.

ჯერი: ანუ ის არ ვარ, ვისაც ელოდით?

პიტერი: საერთოდ არავის ველოდი.

ჯერი: მაგრამ მე აქ ვარ და არსად მეჩქარება.

პიტერი *(საათზე იყურება)*: თქვენ შეიძლება არ გეჩქარებათ, აი მე კი მალე შინ მიმელიან.

ჯერი *(ფერდებზე უღიჭინებს პიტერს)*: კარგით რა...

პიტერი *(საშინლად ეშინია ლიტინის და ფალცეტით ინყებს ლაპარაკს, რადგან ჯერი არ ეშვება და ისევ უღიჭინებს)*: ოოჰ, არა... გაჩერდით... კმარა...

ჯერი: კარგით რა... კიდევ ცოტა ხანს დარჩით...

პიტერი *(ჯერი კვლავ უღიჭინებს)*: არა, უნდა წავიდე... ჰა-ჰა-ჰა... რადგან ჰა-ჰა-ჰა... თუთიყუშები, ანუ ცოლი... ჰა-ჰა-ჰა... სადილად მელოდება, ხოლო ფისუნები, ანუ ჩემი გოგონები... ჰა-ჰა-ჰა... უკვე სუფრას შლიან... ჰა-ჰა-ჰა... კმარა, გეყოფათ...

*(ჯერი წყვეტს ლიტინს, მაგრამ ლიტინისა და საკუთარი გიჟური ფანტაზიის გამო, პიტერი ისტერიულად ხარხარებს, ხოლო ჯერი ინტერესით და ცივი ლიმილით აკვირდება მას)*.

ჯერი: პიტერ!

პიტერი: რაო? ჰა-ჰა-ჰა... რაშია საქმე, ჯერი? ღმერთო... ჰა-ჰა-ჰა...

ჯერი: ახლა კი მომისმინეთ.

პიტერი: რა? ჰა-ჰა-ჰა? რა ხდება, გისმენთ...

ჯერი *(იღუმალი გამომეტყველებით)*: გინდათ გაიგოთ, რა მოხდა ზოოპარკში?

პიტერი: სად? ჰა-ჰა-ჰა. აჰ, ჰო, ზოოპარკში... მაგრამ მე, ჰა-ჰა-ჰა შინ საკუთარი ზოოპარკი მაქვს... თუთიყუშები და ფისუნები...

ჯერი *(წყნარად)*: ძალიან სასაცილოა... მაგრამ გინდათ გაიგოთ, რა მოხდა ზოოპარკში, თუ არ გინდათ?

პიტერი: რასაკვირველია, მომიყვით; თავადაც არ ვიცი, რა დამემართა...

**ჯერი:** ახლავე მოგიყვებით, მაგრამ ჯერ გეტყვით, საერთოდ რატომ წავედი იქ. მე წავედი ზოოპარკში, რათა დავკვირებოდი ურთიერთობას ადამიანებისა ცხოველებთან, ცხოველებისა ერთმანეთთან, ან თუნდაც, ადამიანებთან. ვიცოდი, რომ ზუსტ სურათს ვერ მივიღებდი, რადგან ცხოველები, ერთმანეთისგანაც და ადამიანებისგანაც, გისოსებით არიან გამოყოფილი, მაგრამ რას იზამ, ეს ხომ ზოოპარკია (*პიტერს მხარზე კრავს ხელს*). ჩაიჩოჩეთ.

**პიტერი** (*მეგობრულად*): განა საკმარისი ადგილი არა გაქვთ? (*ცოტა ჩაიწვეს*).

**ჯერი** (*ოდნავ ილიმება*): უამრავი ცხოველი და ხალხი იყო, იქაურობა ბავშვებით არის გადავსებული, დღეს ხომ კვირაა და თანაც მშვენიერი ამინდია (*კვლავ კრავს ხელს პიტერს*). ჩაიჩოჩეთ!

**პიტერი** (*აუღელვებლად და კვლავაც მეგობრული კილოთი*): კი ბატონო (*ახლა ჯერის საკმაოდ ბევრი თავისუფალი ადგილი აქვს*).

**ჯერი:** ცხელა და საშინელი მყრალი სუნი დგას; ბუშტებისა და ნაყინის გამყიდველებიც იქვე ირევიან; სელაპები გაჰკვივიან, ჩიტები ყურისწამლებად ფიფიყვებენ (უფრო მაგრად კრავს ხელს პიტერს). ჩაიჩოჩეთ!

**პიტერი** (*უკვე ნერვიულობს*): ადგილის მეტი რა გაქვთ! მაგრამ კი ბატონო! (*ჩაიჩოჩა და სკამის კიდეში მიიყუყა*).

**ჯერი:** მე ვუყურებდი, როგორ შევიდა დარაჯი ლომების გალიაში. საჭმელი შეუტანა (*მაგრად კრავს ხელს პიტერს*). ჩაიჩოჩეთ!

**პიტერი** (*ძალიან გაღიზიანებულია*): მეტი სადღა ჩავიჩოჩო? გეყოთ მოკვლუგუნები, რა დაგემართათ?!

**ჯერი:** გინდათ, მომისმინოთ, თუ არა? (*კვლავ მხარზე ჩქმეტს პიტერს*).

**პიტერი** (*ვაოგნებულია*): რა მოგახსენოთ! და არც ის მინდა, რომ მხარში მირტყამდეთ და მჩქმეტდეთ.

**ჯერი** (*კვლავ ჩქმეტს და ურტყამს პიტერს მხარზე*): ოი ასე, როგორც ახლა?

**პიტერი:** კმარა! რა დაგემართათ?

**ჯერი:** შტერო! მე გიჟი ვარ.

**პიტერი:** სულაც არ არის სასაცილო.

**ჯერი:** იცით რა, პიტერ, მე ეს სკამი მჭირდება, თქვენ კი სხვაგან გადაჯექით და თუ კარგად მოიქცევით, გიამბობთ, რა მოხდა მერე.

**პიტერი** (*აღელვებულია*): კი მაგრამ... რატომ უნდა დაგითმოთ ჩემი სკამი... ყოველ კვირადღეს აქ ვზივარ ხოლმე კარგ ამინდში. წყნარი ადგილია, არავინ მანუხებს და მომწონს; ნუთუ, არ შეგიძლიათ სხვა ადგილი და სხვა სკამი მოძებნოთ? რა მოგდით?!

**ჯერი** (*ამბობს წყნარად*): გაეთრიეთ აქედან, პიტერ, მარტო მინდა ვიჯდე ამ სკამზე.

**პიტერი** (*თითქმის სანყალი ხმა აქვს*): არა.

**ჯერი:** მე ვთქვი, რომ ამ სკამზე მინდა ვიჯდე; ასე რომ, სხვაგან გადაჯექით.

**პიტერი:** ადამიანს არ შეუძლია ჰქონდეს ყველაფერი, რასაც მოინდომებს. ეს ხომ ძალიან მარტივია; ადამიანს, როგორც წესი, შეუძლია მიიღოს მხოლოდ ნაწილი იმისა, რაც უნდა, მაგრამ არა ყველაფერი.

**ჯერი** (*იცინის*): დეგენარატი! ჩლუნგი!

**პიტერი:** ნუ ილანძლებით!

**ჯერი:** ნამდვილი მცენარე ხართ! მარტივი და უტვინო! წადით და მინაზე დაწექით!

**პიტერი** (*დაძაბულია*): ახლა კი მე მომისმინეთ! ბევრი გითმინეთ, მთელი შუადღე.

**ჯერი:** ცოტა ნაკლები.

**პიტერი:** საკმაოდ დიდხანს! და ასე იმიტომ მოვიქეცი, რომ... მეგონა, ვინმესთან ლაპარაკი გინდოდათ.

**ჯერი:** ოჰ, ღმერთო, როგორ დამღალეთ... აეთრიეთ ჩემი სკამიდან და მარტო დამტოვეთ.

**პიტერი:** სკამი ჩემია!

**ჯერი** (*ხელს ჰკრავს პიტერს; პიტერი ძლივს იკავებს თავს, რომ სკამიდან არ გადავარდეს*): თავიდან მომწყდით და თვალით აღარ დამენახოთ.

**პიტერი** (*უფრო მყარად ჯდება სკამზე*): ჯანდაბამდე გზა გქონიათ! გეყოფათ მაიმუნობა; სკამს არ დაგითმობთ, გასაგებია? (*ჯერი ირონიულად ილიმება და ადგილიდან არ იძვრის*).

წადით-მეთქი აქედან, ვერ გაიგეთ?

(*ჯერი არ იძვრის*)

წაეთრიეთ აქედან; დროზე! ხულიგანო! თუ ახლავე არ წახვალთ, (*ჯერი იცინის*) პოლიციელს დაეუძახებ!

**ჯერი** (*წყნარად*): ამ არემარეზე ერთ პოლიციელსაც ვერსად წახვავთ; ყველანი პარკის დასავლეთ ნაწილში არიან, ხის ქვეშ და ბუჩქებში შეყუყულ ლამაზმანებს დასდევენ; განა ეს არ არის მათი ძირითადი მოვალეობა? ასე რომ, იყვირეთ, რამდენიც თქვენს გულს გაუხარდება.

**პიტერი:** გაფრთხილებთ, ახლავე დავაპატიმრებინებ თქვენს თავს. პოლიცია!

(*პაუზა*) პოლიცია! (*პაუზა*). დასწყევლოს ღმერთმა, რა უაზრო სიტუაციაა!

**ჯერი:** მართლაც, დამდგარხართ ამხელა კაცი, ამ მზიან კვირადღეს, პარკში და ღრიალებთ პოლიციას, როცა არავინ აწაფერს გიშავებთ.



თუ რომელიმე პოლიციელი შემთხვევით მაინც გამოივლის, იფიქრებს გააფრინაო.

**პიტერი** (*ძალაგამოლეული და აღშფოთებულია*): ღმერთო, რა დავაშავე... მე აქ იმიტომ მოვედი რომ დამესვენა და ნამეკითხა, თქვენ კი სკამის წართმევა მომინდომეთ. ნამდვილი გიჟი ხართ!

**ჯერი**: თქვენ სკამზე ახლა მე ვზივარ და თქვენ აქ ველარასოდეს დაჯდებით.

**პიტერი** (*გაცოფებულია*): ახლავე აეთრიეთ და მოუსვით აქედან! ეს ჩემი სკამია და არაფრის გაგონება არ მინდა! მომწყდით თავიდან... ახლავე!

**ჯერი** (*დამცინავად*): ახლა კი სრულიად ნათელია, ვინ არის, ჩვენ ორში, გიჟი.

**პიტერი**: ნათერიეთ!

**ჯერი**: არავითარ შემთხვევაში.

**პიტერი**: კიდევ ერთხელ გაფრთხილებთ!

**ჯერი**: რომ იცოდეთ, რა სულელური გამომეტყველება გაქვთ...

**პიტერი** (*ბრაზმორეული თავს ველარ იკავებს*): არ მაინტერესებს (*ტირილს ცოტალა უკლია*). აეთრიეთ ჩემი სკამიდან!

**ჯერი**: რატომ? თქვენ ხომ ყველაფერი გაქვთ: სახლი, ოჯახი, საკუთარი ზოოპარკიც კი, ახლა კი ეს სკამიც მოინდომეთ, განა ადამიანები ამისთანა რამეებისთვის იბრძვიან? მითხარით, პიტერ, ეს რკინისა და ხისგან გაკეთებული სკამი თქვენთვის ღირსების საქმეა? ერთი წუთით დაფიქრდით, რისთვის ატეხეთ ამხელა აყალმაყალი; ეს ხომ აბსურდია!

**პიტერი**: აბსურდი? ყური მიგდეთ, სულ არ ვაპირებ თქვენთან ღირსებაზე ლაპარაკს, მით უფრო ახსნას; ეგეც არ იყოს, ღირსება აქ არაფერ შუაშია, თუმცა თქვენ ამას მაინც ვერ მიხვდებით.

**ჯერი** (*დამცინავია*): არც კი იცით, რას ამბობთ. ცხოვრებაში პირველად აღმოჩნდით უფრო რთულ სიტუაციაში, ვიდრე თქვენი კატების მოვლაა. სულელი! თქვენ ხომ აზრზეც კი არ ხართ, ვის რა სჭირდება. რა სჭირდება სხვას.

**პიტერი**: სულ უფრო ვრწმუნდები, რომ თქვენ ეს სკამი არ გჭირდებათ; აქ საქმე სხვა რამეზეა, ასე არ არის?

**ჯერი**: ცდებით. მე ეს სკამი მჭირდება.

**პიტერი** (*ბრაზმორეულს ხმა უკანკალებს*): ვინ იცის, რამდენი წელია, აქ დავდივარ, ვტკბები მარტო ყოფნით და სინყნარით. მე ღირსეული ადამიანი ვარ, ზრდასრული, ეს კი ჩემი სკამია; ასე რომ, უფლება არა გაქვთ, ნამართვათ.

**ჯერი**: მაშინ იბრძოლეთ თქვენი უფლებებისთვის; დაიცავით თავი და სკამიც.

**პიტერი**: თქვენ თავს დააბრალებთ! ადექით და ვიბრძოლოთ.

**ჯერი**: როგორც ნამდვილმა კაცებმა?

**პიტერი**: სწორედაც! როგორც ნამდვილმა კაცებმა, თუკი არ შეწყვეტ ჩემს აბუჩად აგდებას.

**ჯერი**: იცით, პიტერ, მართალია, ნამდვილი იდიოტი ხართ, მაგრამ ღირსების გრძნობით შემკული იდიოტი; პატივისცემითაც კი გავიმსჭვალე თქვენს მიმართ.

**პიტერი**: საკმარისია...

**ჯერი**: არა, მართლა! ღირსების გრძნობა ნამდვილად გაქვთ და ამან გამაოცა... სიმართლე გითხრათ, არ ველოდი...

**პიტერი**: გაჩუმდით!

**ჯერი** (*ზღაზღინით დგება*): კეთილი, პიტერ, ვიბრძოლოთ სკამისთვის, მაგრამ ძალები არათანაბარია.

(*ჯერი ჯიბიდან იღებს და ხმამაღალი ტკაცუნით ხსნის შემზარავ დანას*).

**პიტერი** (*გაცნობიერებს სიტუაციას*): გიჟი ხართ! ნამდვილი არანორმალური! ჩემი მოკვლა გინდათ!

(*სანამ პიტერი ფიქრობს, რა მოიმოქმედოს, ჯერი დანას პიტერის ფეხებთან დააგდება*).

**ჯერი**: ახლა დანა თქვენ გაქვთ და ჩვენი ძალებიც, ასე თუ ისე, თანაბარია.

**პიტერი** (*თავზარდაცემულია*): არა!

**ჯერი**: (*ელვის სისწრაფით მივარდება პიტერს და საყელოში სწვდება; პიტერი სკამიდან ნამოხტება, ცხვირი ცხვირთან აქვთ მიდებული*) აიღეთ დანა და ვიბრძოლოთ; თქვენ იბრძოლებთ საკუთარი ღირსებისა და ამ დანყვევლილი სკამის დასაცავად.

**პიტერი** (*ცდილობს ხელიდან დაუსხლტეს*): არა! შემეშვით... თავი დამანებეთ... მიშველეთ!

**ჯერი** (*სილას გაანწავს, ასილაქებს პიტერს და თან იმეორებს: „იბრძოლე“, „იბრძოლე“*): იბრძოლე, შელაჩარო, შეჩვარო; იბრძოლე შენი სკამისთვის, შენი თუთიყუშებისთვის, შენი კატებისთვის, შენი გოგონებისთვის, შენი ცოლისთვის, შენი მამაკაცური ღირსებისთვის, შე გაბლენძილო იდიოტო! (აფურთხებს პიტერს სახეში) ბიჭის გაკეთებაც კი ვერ მოგიხერხებია.

**პიტერი** (*გაცოფებული, როგორც იქნა დაუსხლტება ხელიდან ჯერის*): არანორმალური! ეს გენეტიკის ამბავია და არა მამაკაცობის. (იღებს დანას, მაგრამ ბლუჯავს ხელში და მძიმე ქშენით უკან იხევს). უკანასკნელად გეუბნები, ნადი და თვალთ ალარ დამენახო! (მაგრამ უჭირავს დანა, ხელი წინ აქვს გამოწეული, მაგრამ თავდასასხმელად კი არა, თავის დასაცავად).



**ჯერი** (მძიმედ ამოიოხრებს): კეთილი, ასე იყოს!

(პიტერი გონს მოსვლას ვერც ასწრებს, რომ ჯერი უცბად გამოქანდება და მკერდით დაესობა დანას, რომელიც პიტერს უჭირავს. პიტერი დაიღრიალებს, ხელს განზე გასწევს და დანას ჯერის მკერდში ტოვებს. ჯერი გაუძრევლად, ერთ ადგილზე გაშეშებული დგას, შემდეგ, სასიკვდილოდ დაჭრილი, გააფთრებული ცხოველივით, დაიღმუფლებს, ბარბაცით მიდის ახლა უკვე ცარიელ სკამთან და ნელა დაჯდება. ზის და პიტერს შესცქერის; სიკვდილის პირსაა, აგონიაში მყოფს, პირი ღია აქვს და თვალები ფართოდ გახელილი).

**პიტერი** (ჩურჩულებს): ოჰ, ღმერთო ჩემო... ღმერთო... ღმერთო ჩემო... (ამ სიტყვებს მალი-მალ იმეორებს).

**ჯერი** (ჯერი კედება, მაგრამ ახლა მას სულ სხვა გამომეტყველება აქვს — უფრო კეთილი და მშვიდი; ხმა უკანალებს, ნაწყვეტ-ნაწყვეტ ლაპარაკობს, თითქოს სიკვდილს ებრძვისო, ელიმება): გმადლობ, პიტერ... არა, მართლა, დიდი მადლობა.

(პიტერს ყბა ჩამოუფარდა; გაშეშებული დგას და განძრევის თავი არა აქვს). როგორ მეშინოდა, პიტერ, რომ მიმატოვებდი (ცდილობს გაიღიმოს). ახლა კი გეტყვი, რა მოხდა ზოოპარკში; მე მგონია... რომ ყველაფერი ასე იყო: როცა ზოოპარკში მივედი, გადავწყვიტე, ჩრდილოეთისკენ მევლო, ანუ ჩრდილოეთის მიმართულებით, სანამ ვინმეს არ გადავეყრებოდი; აქ კი შენ დაგინახე და გადავწყვიტე, ლაპარაკი გამება, ისეთი რამეები მომეყოლა, რაც მაინცდამაინც არ... და აი რა გამოვიდა... მოხდა ის, რაც მოხდა... იქნებ წინასწარ მქონდა ყველაფერი დაგეგმილი... არა მგონია, მაგრამ საბოლოოდ, ალბათ, სწორედ ასე მინდოდა, დამთავრებულიყო ყველაფერი... ახლა უკვე იცი, რაც მოხდა ზოოპარკში, — რას ნაიკითხავ გაზეთებში და ნახავ ტელევიზიით. ალბათ ჩემს სახესაც აჩვენებენ, იმ სახეს, რომელსაც ახლა უყურებ.

პიტერ... პიტერ... (ღონემიხდილი ილიმება) დიდი მადლობა... შენ შევება მაჩუქე, ძვირფასო პიტერ.

**პიტერი** (თითქმის გულწასულია): ღმერთო ჩემო!

**ჯერი**: ახლა კი ჯობს ნახვიდე, სანამ ვინმე დაგინახავდეს.

**პიტერი** (არ ინძრევს და ტირილს იწყებს): ღმერთო ჩემო, ღმერთო ჩემო!

**ჯერი** (უფრო დასუსტებულია, სადაცაა მოკვდება): აღარასოდეს მოხვიდე აქ, პიტერ; ეს აღარ არის შენი ადგილი და სკამიც დაკარგე, მაგრამ შეინარჩუნე ღირსება, რადგან ცხოველი ხარ და არა ბალახი. გახსოვდეს ეს, მაგრამ ახლა გაიქეცი. იჩქარე, პიტერ!

(ჯერი იღებს ცხვირსახოცს და დიდი გაჭირვებით, ტკივილისგან

მოკრუნჩხული, წმენდს დანას, რათა თითის ანაბეჭდები მოაშროს). გაიქეცი, ნულარ აყოვნებ.

(პიტერი ბარბაცით ცდილობს, გაეცალოს იქაურობას). მოიცადე, პიტერ... წიგნი გრჩება... სკამზე... შენს სკამზე... ახლა უკვე ჩემს სკამზე... აი იქ... აილე და მოუსვი აქედან... ჩქარა...

(პიტერი წიგნის ასაღებად გაიწევს, მაგრამ ყოყმანობს).

ჩქარა, პიტერ!

(პიტერი მიდის სკამთან, იღებს წიგნს და უკან იხევს).

ესეც ასე... ძალიან კარგი... ახლა მოკურცხლე აქედან... სწრაფად!

(პიტერი ცოტა ხანს ყოყმანობს, მერე კი თავქუდმოგლეჯილი გარბის მარცხნივ).

იჩქარე, პიტერ... (ჯერის თვალები დახუჭული აქვს) იჩქარე შენს თუთიყუშებთან... სადილად რომ გელოდებიან და ფისუნებიან... უკვე სუფრას რომ შლიან...

**პიტერი** (სცენის მიღმა მისი საცოდავი ღმუილი ისმის): ღმერთო ჩემო!

**ჯერი** (თვალები კვლავ დახუჭული აქვს, თავს აქნევს და ლაპარაკობს; ცდილობს, პიტერს გამოაჯავროს, მაგრამ ამასთან ერთად, მის ხმაში ვედრებაც ისმის): ოჰ, ღმერთო... ღმერთო ჩემო...

(ჯერი კედება).

ფარდა